



Adresa: **Ul. H. Čemerlića 39a**  
71000 Kalesija  
<http://www.voda.ba>

tel. +387 33 726-444; 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-I/25-3-40-191-9/21**  
Datum: **07.07.2021. godine**

«Agencija za vodno područje rijeke Save» Sarajevo rješavajući po zahtjevu pravnog lica „COTEX” d.o.o. Srebrenik za donošenje rješenja o vodnoj dozvoli za ispuštanje oborinskih onečišćenih otpadnih voda u prirodni recipijent sa lokacije benzinske pumpne stanice sa pratećim sadržajem „COTEX” d.o.o. Srebrenik, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 49/99), donosi

### **RJEŠENJE** **o vodnoj dozvoli**

1. Pravnom licu „COTEX” d.o.o. Srebrenik daje se vodna dozvola za ispuštanje oborinskih onečišćenih otpadnih voda u prirodni recipijent sa lokacije benzinske pumpne stanice sa pratećim sadržajem „COTEX” d.o.o. Srebrenik, izgrađene na zemljištu označenom kao k.č. broj: 1081/1 K.O. Čehaje, općina Srebrenik.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
  - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
  - 3.2. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine  $V = 80 \text{ m}^3$  sa pripadajućom armaturom za rukovanje, praćenje i sigurnost rada.
  - 3.3. Korisnik objekta je obavezan redovno vršiti kontrolu međuplašnog prostora rezervoara, njihovo čišćenje kao i kontrolu rada.
  - 3.4. Korisnik poslovnog objekta za sve vrijeme trajanja ove vodne dozvole, mora obezbijediti da se oborinske onečišćene vode sa lokacije predmetne benzinske pumpe nesmetano sakupljaju i odvođe do tipskog separatora ulja i naftnih derivata, a zatim prečišćene preko okna za monitoring ispuštaju u Bezimeni potok.
  - 3.5. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20).
  - 3.6. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
  - 3.7. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora

ulja i masti

- 3.8. Prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj broj 14/10, 14/13, 26/14, 23/17 i 41/20).
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta „COTEX“ d.o.o. Srebrenik, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektu predmetne benzinske pumpe obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

## Obrazloženje

Pravno lice „COTEX“ d.o.o. Srebrenik se pismenim putem obratilo ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih otpadnih voda u recipijent sa lokacije benzinske pumpne stanice sa pratećim sadržajem „COTEX“ d.o.o. Srebrenik, izgrađene na zemljištu označenom kao k.č. broj: 1081/1 K.O. Čehaje, općina Srebrenik.

U provedenom postupku dostavljena je i pregledana slijedeća dokumentacija:

- Ovjerena kopija aktuelnog izvoda iz sudskog registra Općinskog suda u Tuzli, donesenog 20.12.2011. godine;
- Ovjerena kopija Uvjerenja o poreznoj registraciji izdate od strane Porezne uprave – Kantonalni ured Tuzla dana 21.0.2009. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPJR/1-5900-2/09 od 17.11.2009. godine izdatog od strane Uprave za indirektno-neizravno oporezivanje Banja Luka;
- Kopija Rješenja o naknadnom odobrenju za građenje donešenog od strane Službe za prostorno uređenje i zaštitu okolice Općine Srebrenik, broj: 08-23-2-1189/17 dana 24.01.2018. godine;
- Kopija Rješenja o urbanističkoj saglasnosti donesenog od strane Službe za prostorno uređenje i zaštitu okolice Općine Srebrenik, broj: 08-23-1-572/15 dana 16.05.2016. godine;
- Kopija rješenja o okolinskoj dozvole, donesenog od strane Ministarstva prostornog uređenja i zaštite okolice, broj: 12/1-23-27650/15 dana 11.04.2016. godine;
- Kopija Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-394-3/15 dana 05.08.2015. godine;
- Kopija Rješenja o vodnoj saglasnosti donešenog od strane Agencije za vodno područje rijeke Save, broj: UP-I/25-2-40-308-7/16 dana 01.11.2016. godine;
- Revizija Glavnog projekta o korištenju voda, prikupljanju, odvođenju, prečišćavanju otpadnih voda benzinske stanice Cobra u naselju Čehaje, općina Srebrenik, urađen od strane ovlaštene projektne kuće „Euroing“ d.o.o. Bihać, oktobar 2016. godine;
- Dokaz o uplaćenju upravnoj pristojbi i administrativnoj taksi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-I/25-3-40-191-7/21 od 01.07.2021. godine i konstatovano slijedeće:

Predmetna benzinska pumpna stanica se nalazi u naselju Čehaje, općina Srebrenik. U sklopu objekta su smješteni slijedeći sadržaji: nadstrešnica za istakanje goriva, ostrvo sa dva automata i šahtom za istakanje goriva, market sa caffè barom, pomoćne prostorije, kancelarijski prostor, parking prostor, sanitarni čvor, te dva podzemna čelična dvoplašna rezervoara za skladištenje nafte i naftnih derivate i rezervoar za smještaj TNP-a.

Vodosnabdijevanje predmetne benzinske pumpne stanice se vrši putem priključka izvedenog na postojeći javni vodovodni sistem.

Prikupljanje otpadnih voda se vrši putem slivnika sa slivnom rešetkom i kanalizacionim cijevima vodi do tipskog separatora ulja i naftnih derivata sa koalescentnim filterom. Prečišćena voda iz separatora se preko okna za monitoring ispušta u Bezimeni potok.

Skladištenje nafte i naftnih derivata se vrši u podzemnim dvoplašnim rezervoarima ukupnog kapaciteta 80 m<sup>3</sup>.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Podnosilac zahtjeva je uplatio i posebne troškove shodno Zaključku ove Agencije, broj: UP-I/25-3-40-191-8/21 od 07.07.2021.

Podnosilac zahtjeva je uplatio upravnu i administrativnu taksu u iznosu od 70 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13)

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Meho Čaušević, Bsc.ing.građ.

Prilog:

Glavni projekat o korištenju voda, prikupljanju, odvođenju, prečišćavanju otpadnih voda benzinske stanice Cobra u naselju Čehaje, općina Srebrenik, urađen od strane projektne kuće „DIWANX“ d.o.o. Sarajevo, oktobar 2016. godine

**Po ovlaštenju**  
**Rukovodilac sektora za izdavanje vodnih akata**



**Haris Ališehović, dipl.ing.građ.**

Dostaviti:

- "COTEX" d.o.o. Srebrenik, Čehaje bb, 75 350 Srebrenik (sa prilogom)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava